



Tir Yimyim

www.tiryimyim.in

Regd. No. RNI. NAGAAO/2004/13113. Postal-NE/RN-717.

e-mail : tiryimyim@gmail.com

TAPAK 8

Yangia anidakangma :



Tir Yimyim



tir_yimyim



tir yimyim

TAPAK 8



Khamenei-i Gulf yimsüsürtem dang tsükchir anema lungjemtsü ajungshir

Villa keeper Martinez Chelsea nung denogo



VOL. XXIII ISSUE NO. 319 (ADOK 319) DIMAPUR TENTONÜ (MONDAY) LUROI (AUGUST) 31, 2026

₹ 5.00

Mokdang ajanga nükjidong matongtsü: Manipur CM

Imphal, August 30, 2026 (Agencies): Manipur nung National Register of Citizens (NRC) update asütsü akhangba pusema nungiter saka teloktemi mokdang mayongtsüla ta Manipur Chief Minister Yumnam Khemchand Singh-i ashi.

Centre-i Census maparen athiba sülen NRC update metenzükra August 31, 2026 ayaterm nungi 24-hour bandh ayongzüksü ta Campaign for Just and Fair Delimitation (JFD)-i amokmerenba sülen CM Khemchand-i iba temepishiba agütsü.

JFD-isa September 2 nungi tenzüksü aliba Manipur Assembly session nung lungkak aittsü metetdaksüogo.

Khemchand tanü Deobarnü New Delhi-i apusoa aotsü lia osangbener den jembidang "state aser Centre sorkartemi nübor tebilemtsü angateta mapa inyaker aser mokdang ayongba ajanga tetsükdaksü ang bentsür arutsü" ta ashi.

Tawa civil society organisations 14-i campaign inyakba aser MLA teshimtet telok kati New Delhi-i aoba ajanga Centre nungi telangzüba tajung nguogo. Item teloktemi Census meinyakdak NRC update asütsü akhanger ta Chief Minister Khemchand-isa ashi.

State sorkari NRC takhangba pusema nungiter ta tesüiba nunga metetdaksüogo. Tan ita tetenzüklen CM Khemchand-isa Centre den iba onük jembitepar ta shia liasü. Külen, Home

Minister Govindas Konthoujam-ia Manipur nung constitutional aser legal framework kübok iba mapa inyaktsü renema lir ta ashi.

Manipur nung Census 2027 jakdang NRC takhangba ya kanga tongti kümogo. JFD aser civil society groups aikati NRC update masü tashi Census mapa meinyaka atatsü akhanger. Telok karibo base year atema 1951 amshitsü akhanger aser lungkak aitba sentong balala ayonga agir.

Mokdang ayongba ajanga anogoshi aayangertem aser tetsür shishilembartem dak kongshir kechiyong parnoki anogoshia aazükba ajanga kibongtem mesür. Ano class aser academic calendar nung meinprong ajuruba ajanga kaketshirtemia tetsükdaksü ajurur ta CM Khemchand-i ashi.

Teloktemi pei pei takhangba rongshitsü atema ozüngi melaba ama lungkak aittsüla aser ozüng alema inyaktertem mesüra tensa raksatsü merangertem ozüng tapet agi merenshitsü ta paisa shiogo.

Chief Minister Khemchand-i Central leaders den ajurutepe Manipur dak sendakba tebilemtsütem lemsateptsü atema New Delhi-i ogo.

Küm asem tema lir külen sorkari Imphal-Dimapur-Guwahati bus service tenzükshiogo. Iba service ajanga senzusenbongertemi tajangzük angutsü kechiyong parnoki Imphal aser Guwahati tsüngda sen aika endoka tayimtsü ajanga dang senzua liasü ta CM Khemchand-isa metetdaksü.

Nagaland-i Google den MoU sign süogo

Dimapur, August 30, 2026 (TYO): Nagaland sorkari school tem nung digital learning tashi itdaksütsü atema Google den memorandum of understanding (MoU) ka nung sign süteogo.

Kohima nung Tech X Gaming Expo 2026 lapokba sentong nung Google teshimtet nübo aser Principal Director of School

Education, Nagaland nati MoU nung sign sütepa liasü.

Iba maparen nung Rs 10 crore tema enoktsü aser teaching o learning methods nung temulung agütsütsü. Talisa iba tesentaktep ajanga kaketshirtem nem digital aser tanga 21st-century skills tesayuba agütsütsü.

Nepal & Tibet lendong nung tasümang 797 ngutetogo



New Delhi, August 30, 2026 (Agencies): Nepal nung Tibet den arrtsülen tzümetsüng lendong tulu atalokba ajanga timtemer aser tang tashi nung iba lendong nung nisung 800 jungjüa taküm samaogo aser meyirjang aika samar bushiteper.

Tenemkolaklen rüjeplung tulu ka chirepba ajanga Tibet den arrtsüa aliba Rasuwa district nung Bodbarñü Bhote Koshi River nung tzümetsüng lendong tulu ataloka liasü.

Deobar tashi nung Nepal aser Tibet nung tasümang 797 ngutetogo aser India nunger 275 densema nisung 3,000 tema mangu bushiteper.

Nepal aser Tibet nung Chinese ketdangsürtemi ashiba nung ajemdaker nisung 3,048 mangu bushiteper aser tasümang 797 nguogo.

Nepal nung foreigners 592 densema nisung 2,502 mangur. Tanü tashi nung tasümang 781 ngutetogo ta ketdangsürtemi ashi.

Tibet ya China nung autonomous region ka lir aser foreign journalists marudaksür, iba jagi lendong atalokba masadangteter.

China sorkar meyong broadcaster CCTV-i Deobarnü nisung 546 samar bushitepba aser tasümang 16 anguba metetdaksüogo. Samar bushirtem rongnung foreigner 261 dena lir ta parnokisa ashi.

Nepal nung hydropower tunnels aika nung mapa inyaker 100 tema madokteti lir. Honibar aonung Nepali army-i Trishuli 3A hydroelectric site nung pipe ka yokogo aser iba ajanga mopung yoker ta Minister Sudan Gurung-i ashi.

Ajisüaka, yasüng tzünglu aruba den ayong nung tzü teimba ayimba ajanga rescue maparen nung tetsükdaksü ajurua lir. Deobarnü Nepal nung disaster ketdangpurtemi rescue teams dang kümdangtsü osang metetdaksüogo.

Lungpok balala nungi temai madokteti aliba nisung 933 ya hydropower projects nung inyaktertem lir.

India-i ibala rescue mission nung aika ajangshia arua lir aser iba jagi 11-person specialised team ka Nepal-i yokogo. Külen, China-ia 9-person tunnel team ka yariteptsü atema yokogo.

Nepal nung iba lendong ajanga nisung 93,000 dak kongshia lir ta Red Cross-i Deobarnü metetdaksü.

Nepal-i Honibarnü specialised rescue support dena international financial assistance mepishiogo. Parnokisa heavy-lift drones, DNA testing kits, aser body freezer storage units meshiogo.

United States aser Canada linüktemi humanitarian assistance atema \$3.6 million shi agütsütsü shiogo.

UK-i \$6.8 million aid agütsütsü aser UN-i \$2.5 million emergency funding agütsütsü metetdaksüogo.


European Union-ia Hokolbarnü \$2.3 million agütsütsü nangzükogo aser International Federation of Red Cross and Red Crescent Societies (IFRC)-ia \$1 million lemozüksüba den \$31 million atema emergency appeal tenzükogo.

Malaysia-ia maparen balala nung yariteptsü atema Malaysian Special Search and Rescue Team (SMART) yoktsü aser Nepal nem \$1 million agütsütsü nangzükogo.

Burma Camp, Dimapur nung tanur ana tsükset; Bike ka den gari ana tsüksatsü



Dimapur, August 30, 2026 (TYO): August 29, 2026 nü Dimapur nung Burma Camp kübok Veterinary Colony nung gari kati tanur ana tsükset.



Iba lendong ya Honibar aonung atalok aser Veterinary Colony nung ATM Booth anasa Gypsy gari jagi motorcycle ka dak mezüng atsükba sülen gari ana dak tsüker

oa lenmang nung süir tanur ana dak atsük ta Dy. Commissioner of Police (Crime)/ PRO Dimapur-i sangdong ka nung ashi.

Gypsy (NL07CA/5405) gariji

Bumei Phom ta ser nisung kati aniba liasü. Pa ya Yachem nunger Yamthong Phom'er jabaso aser Mao Colony, Burma Camp, Dimapur nung telidak lir.

Bumei-i aniba Gypsy jagi Royal Enfield Bike, Maruti Car aser Pick up Auto dak atsükba sülen lenmang nung süir tanur ana dak atsük aser tena kanga mejungi yirur mozü kidangi anir ao ta PRO-i ashi.

Ajisüaka, iba lendong nung yirur anaprong- Macagbou Charenamai (15) District Hospital, Dimapur nung aser Gaisinlung Thangmei (17) Nikos Hospital Dimapur nung asü.

Iba tatalokba dak sendakba nung police-i Bumei Phom puogo aser East Police Station Dimapur nung pa anema ken o ka benokogo aser bushisüngdang südar ta PRO-isa metetdaksü.

ATI nung VLFs asoshi shisadokden senden ayongzük



ATI nung Capacity Building of Village Level Functionaries (VLFs) indang shisadokden senden mezügbuba amendang tangokba noksa ka yangi angur.

Dimapur, Luroi/August 30 (TYO): Capacity Building of Village Level Functionaries (VLFs) indang shisadokden senden mezügbuba August 28, 2026 nü Administrative Training Institute (ATI), Nagaland, Kohima nung ayongzük liasü.

Iba senden nung district tenet - Tuensang, Peren, Phek, Wokha, Tsemnyu, Chümoukedima aser Kohima nungi Village Council Chairmen, VDB Secretaries aser tanga village-level ketdangsürtem dena liasü.

Home, Commissioner's Office, P&AR Department, Nagaland; Census; Election; Police; Social Welfare; Women Resource Development; Finance; Treasuries; Education; Health & Family Welfare; Power; PHED; PWD; Water Resources; Planning & Transformation; Soil & Water Conservation; Rural Development; Agriculture; Horticulture;

Fisheries; Land Resources; aser Environment, Forests & Climate Change densema department balala nungi ketdangsürtem shisalen sayur ama iba senden nung dena liasü.

Senden tenzük V. Shashank Shekhar, IAS, Additional Chief Secretary and Director General, ATI ajanga jembisang, sorkar indang schemes aser sentong tem ya nüburtem ajangzüksü asoshi yanglua inyaker, ta ashi.

Nagaland nung nütsüng yongsük aika yimtsüngtem nung alir asünung, sorkar indang schemes aser sentong tem tebilemba ama beneficiaries tongtsütsü asoshi Village Level Functionaries ajanga tongtipang shilem agir, ta pai ashi.

Pai parnok dang sorkar aser yimdaklir tsüngta amalitep akaba nung yaritsü aser osangtsüsang prokshitsü asoshi shia liasü.

Pai shilem agirtem dang pei

tebilemba lemsatepba nung shilem agitsü aser iba sensaksem mapang shisa tajung amshia yimtsüng jenjang nung sorkar sentong balala agütsüba tajungba kumdaktsütsü asoshi lenmang bushitsü ayongzük liasü.

Iba senden nung Asalie Lese, NCS, Deputy Secretary, P&AR Department menden liasü, Bendanglila, NCS Additional Director, ATI ajanga VLF Capacity Building Training Programme indang tongmelang agi lemsatep aser Dr. HovithalSothu, Deputy Director, ATI ajanga session ka agia liasü.

Iba senden nung department balala nungi ketdangsür temi parnok departments ajanga schemes aser sentong balala mapa kuma inyakba indang lemsatep. Senden nung adener temia panel discussions mapang parnoki mangatetjemba asündangyaa parnok tangatetba lemsatepa liasü.

DGC nung Food Adulteration workshop ayongzük



Dimapur, Luroi/August 30 (TYO): Dimapur Government College (DGC) indang department of Chemistry-i Food Safety Administration, Office of the CMO, Dimapur Zone, Department of Health and Family Welfare, Government of Nagaland den lungjemer August 29, 2026 nü Seminar Hall, DGC nung "Food Adulteration" indang workshop ka ayongzük liasü.

Iba sentong ya Internal Quality Assurance Cell (IQAC), DGC ajanga sponsor süa liasü.

Sentong nung Jimokali Zhekheto Zhimomi, Secretary, IQAC & Assistant Professor, Department of Sociology, DGC menden liasü aser Dr. H.

Atoholi Sema, HOD & Assistant Professor, Department of Chemistry, DGC ajanga pela agizükba o jembia sentong tenzük.

Iba sülen Dr. T. Tiakaba Jamir, Principal, DGC ajanga tajungshi o jembidang, kaketshir aser nüburtem nem food safety awareness agütsütsü tongtipang lir, ta ashi.

Pai kaketshirtem dang tarutsü jenjang tajungba yangertsü atema academics nunga ajungtsü ayongzük liasü.

Iba sentong nung Food Safety Administration, Office of the CMO, Dimapur Zone kübok Food Safety on Wheels nungi Food Technicians, Zuthungbemo Ngullie aser Lika

Assumi nati practical demonstration sayua liasü.

Parnoki iba mapang chiyongtsü nung amshiba mozü tem putettsü yimya balala sayua liasü. Iba den parnoki Food Safety and Standards Authority of India ajanga campaigns balala ayongzükba indanga sayua liasü.

Sentong tembanga Tamsunungsang Aier, Assistant Professor, Department of Physics, DGC ajanga melepzüng o jembia.

Iba workshop nung kaketshir aser tesayur tem tejangraba nung arua shilem agia chiyongtsü nung amshiba mozü tem jangjatettsü angazük liasü.

Yingli College nung Freshers' Meet ayongzük

Dimapur, Luroi/August 30 (TYO): Yingli College, Longleng indang Freshers' Meet 2026 sentong Borgohain Hall, Yingli College, Longleng Campus, Longleng nung August 28, 2026 nü "Every New Beginning Bloom with Endless Possibilities" omen nung ajemdaker ayongzük kaketshirtem college azüng tenzükba temaitsü ama shilem agia liasü.

Iba sentong nung akhumdong ama Additional Deputy Commissioner Longleng, Thungchanbemo Tungoe, NCS aden aser special

guest judge ama A. Chumei Yajem, 1st runner up Miss Phom 2025 dena liasü.

Sentong nung tajungshi o, academic tsütsü takok tajung angur tushiba aser südoksünem mapangtem agia liasü.

Nasim Ahmed nem Mr. Fresher aser Elli C. Phom nem Miss Fresher nungja agüja liasü. Maneni Longkongphom aser C. Amoi nem Mr. Creative aser Miss Creative nungja agütsü aser L Bhamchong Phom aser Inakali G. Awomi na nem Mr. Confidence aser Miss Confidence nungja agütsü.

Manipur: Ghonda 36 tsüngta nisung 9, nok-nü & heroin apu



Bishnupur nung security forces temi operation ka agidang Keipha Road, Patton nung Water Supply Pump anasa nok-nü miima yua aliba ngutet.

Imphal, Luroi/August 30 (Agencies): Manipur nung security forces temi district balala nung ghonda 36 operation agiba mapang nisung toku apu aser nok-nü, tapoktsü oset aser temesepba mozü tem ngutet, ta ketdangsür temi Deobarnü ashi.

Bishnupur district nung security forces temi Honibarnü Phougakchao Ithai police station kübok Sericulare Farm nung temesepba mozü südi ta temulung melemi aliba soit. Iba mapang temesepba mozü ayoker ana, Md Amir Khan (34) aser Md Bungo (33) apu.

Tena ket nungi security forces temi two-wheeler ka aser heroin südi ta temulung melemi aliba sapon cases pongu ngutet.

Ano Bishnupur nung operation balaka agiba mapang Keipha Road, Patton nung Water Supply Pump anasa nok-nü aser tanga osettem miima yua aliba security forces temi ngutet.

Parnoki 9mm pistol ka den magazine ka, .32 pistol ka den magazine ka, country-made AK rifle ka den magazine ka, country-made MP-9 submachine gun ka den magazine ka, country-made SBBL prangbong ka, country-made .22 rifle ka den magazine ka, No. 36 hand grenades ana, Improvised Explosive Devices (IEDs) ana, injang aser tanga osettsüset tem ngutet.

Security forces temi iba operations mapang nokdanga aliba telungpur telok balala nungi

züngsem pongu apu.

Operations balala nung Kangleipak Communist Party (KCP) indang züngsem asem apu. Parnok ya Sinam Deven Singh (26), Lourembam Rakesh Singh (24), aser Khwairakpam Premsonder Singh alias Bungoba alias Lamnganba (20). Security forces temi parnok ket nungi IED ka, 9mm ammunition round pongu, Suzuki Access scooter ka, digital devices aser sen ngutet.

Thoubal aser Imphal West districts tem nung security forces temi nokdanga aliba United National Liberation Front (UNLF-Koireng faction) indang active volunteers ana apu. Parnok ya Ngangom Gibbs Singh alias Pamel (29) aser Chingakham Kanta Singh alias Bomcha (40) alitsü.

Ano Imphal East nung operation balaka agiba mapang security forces temi People's Liberation Army (PLA) indang political wing, Revolutionary People's Front (RPF) indang züngsem ka pua liasü.

Nisungba ya Thangjam Peter Singh alias Nanao (22) ta jangjatetogo aser pa ya Irilbung nung Forest Office Gate anasa apu.

Kasa mapang RPF/PLA ajanga sangdong ka agütsüba nung, security forces temi August 26 nü Kongba Laishram Leikai nung apusang Ningthoujam Joyshana alias Joy ya parnok den sendaktepa mali, ta ashi.



August 30, 2026 nü Tashkent nung Ato kilonser, Narendra Modi-i India nungertem ajuruba noksa nung angur.

Nepal tzümentsüing ajanga UP mekongshitsü: State Jal Shakti minister

New Delhi, August 30 (Agencies): Uttar Pradesh state nung Jal Shakti Minister Swatantra Dev Singh-i, Nepal nung tzümentsüing ajanga state bo mekongshitsü, ajisüaka ketdangsertem renema alitsüla, ta metetdaksü.

"Nepal nung tzümentsüing ajanga Uttar Pradesh bo mekongshitsü, ajisüaka onok kanga yakyaka lir aser tzümentsüing agi kongshiba district ajak kumzüka dang lir," ta Singh-i osangbenertem nem metetdaksü.

Singh-i, 2017 kum nungi state nung ayongkümlen aliba tesemtem kumzüka dang lir, aser tzümentsüing nokdangtsü atema inyakba projects ajak mapang shidak nung

renemogo, ta metetdaksü.

"2017 kum matongdangbo ayongkümlen jara raksaa liasü, ajisüaka 2017 kum sülenbo ayongkümlen jara ajak kumzüka dang lir aser project ajak mapang shidak nung renemer," ta pai metetdaksü.

Tzümentsüing nokdangba project ajak renemogo aser tzümentsüing tensa atema ketdangsertem ajak renema dang lir, ta pai ashi.

Honibarnü Uttar Pradesh Chief Minister Yogi Adityanath-i Ballia nung tzümentsüing tensa asadanga liasü aser tayimtsü nungi tzümentsüing agi kongshiba tesemtem asadanga senzuba sülen teyari oset balala lemtsüogo.

State nung tzümentsüing agi kongshiba nübur shinga timetemdaksütsü, ta pai ashi.

State sorkari ashiba agi, tesüiba anogo ishika tzüinglu kanga aruba ajanga district 26 nung tzü tali metsüingogo aser ibaji ajanga yim 251 nung nisung lakh 1.71 kongshiogo.

Chief minister-isa, teyari agütsüba maparen kanga kera inyakdar aser nisung 1,000 dak tali flood shelters nung jenokdaksüogo iba denji külemi flood outposts 447 amenokogo, ta metetdaksü.

Anogo ishika tejaklen Nepal nung ajunghen tzümentsüing lendong ajanga district asem kanga mejungi kongshia nisung noklang aika süogo.

Punjab nung Aam Aadmi Party lenir Gurpreet Singh (Gopi) khaset

New Delhi, August 30 (Agencies): Punjab nung mejangjba nisung pezüi AAP lenir Gurpreet Singh alias Gopi khaset, ta Amongnü police-i metetdaksü.

Honibar aonung Ferozepur kübok Mamdot nung aliba bazar nung nisung pezü gari ka nungi ayazüka aluba sülen arrshi kum 45 Gurpreet Singh mena aliba gari nung injang aika khalokja liasü. Singh den gari nungji arrshi kum 22 Harpreet alias Happy (22)-a liasü.

Iba tatalokba sülen Singh aser Happy na Civil Hospital-i anir ao saka hospital atongdangbo Aam Aadmi Party

(AAP) lenir Singh bo süadoker liasü aser Happy bo maneni Ludhiana nung aliba nija hospital kati anir ao.

Mamdot Nagar Panchayat nung Tir tasenba Vicky Maini den nisung ana iba tesem anasaji gari nung liasü. Parnoki Vicky-a khasettsü merang, saka pabo iba lendong nungjagi kumzü.

Ferozepur SSP Bhupinder Singh Sidhu-i, iba tatalokba ya tamalen municipal election dak sendakba nung tsükchitepba den sendaktepa lir, ta metetdaksü.

Singh khasettertem rongnung kabo police-i jangjaogo, ajisüaka tang tashi nungbo police-i nisungba

maitsüji memetetdaksü.

Mejangjba nisungtem jagi Maini-a khasettsü meranga pa mena aliba gai nung injang khaloktsü saka pai ilonga gari nungi aluba sülen anasa aliba dokan ka nung atsük.

Gurpreet'er kibong ya tamalenbo Congress nung liasü aser par adianu kinüngtsübo Mamdot Nagar Panchayat nung AAP councillor lir.

Gurpreet'er kibong züngsemtemibo 'Daljeet' ta ser nisung ka dak melung malemer, ajisüaka police-ibo Harpreet alias Golu dak melung malemer.

Police team 8-i aibelenertem mita ao tenzükogo.

Nepal nung tang tashi India nunger 275 mangur: MEA

New Delhi, August 30 (Agencies): August 26 nü Nepal nung tzümentsüing lendong tulu atalokba sülen tanü agi anogo pezübuba tashi nung India nunger 275 aser Indian origin 128 mangur, ta Amongnü Ministry of External Affairs (MEA)-i metetdaksü.

Nepal nung tzümentsüing lendong nung asürtem tasü mang aika ngutetogo aser tang tashi nung asürtem 675 jungogo aser nisung 2,400 jungnüa mangur.

Nepal Police-i sangdong ka ajanga, tang tashi nung district 8 nung tasü mang 675 ngutetogo aser National Disaster Risk Reduction & Management Authority (NDRRMA)-i nisung 4,400 dak tali kumzü kogo, ta metetdaksü.

MEA otongdar, Randhir Jaiswal-i, tang tashi nung India nunger 108 kumzü kogo aser parnok rongnung nisung pezübo Rasuwa nung aliba hydropower project nungi kumzü kba lir, ta ashi.

Jaiswal-isa, ano China tsütsülen aliba India nunger 598-a Nepal tonga aruogo, ta ashi.

Iba dak alia India nunger 900 kumzü ka lir aser tang tashi China nungi mapuso; Beijing nung aliba Indian Embassy-i parnok den tongtepratepdar.

Honibarnü India-i tayimtsü ajanga teyari oset aika bener otsüba den külemi specialised team aika Nepal-i yokogo.

External Affairs Minister S Jaishankar-i X ajanga, "India nungi tayimtsü pezübuba nung teyari oset touzük ton 11 bener yokogo. C-130 tayimtsü nungji tunnel technical contingent ka den kumzü kba maparen inyakdang amshitsü atema osettem densema lir, DNA tendangtsü atema forensics experts team ka den forensic osettem aser blankets, sleeping bags, tarpaulin, plastic sheets aser hygiene kits densema teyari oset aika bener yokogo," ta metetdaksü.

"Iba dak alia truck 16 nung 230-feet single lane modular steel bridge ka yanglutsü atema osettem bener otsüogo. Iba dak alia apu tenet yanglutsü atema osettsüset bener yoktsü," ta Jaishankar-isa metetdaksü.

Nepal nung lendong atalokba sülen tang tashi nung India-i Nepal nem teyari oset touzük ton 68.5 bener yokogo; teyari osettem rongnung portable generator sets, chiyungtsü packets, water purification tablets, technical osettem aser mozü densema lir.

Hokolbar aonung nungi Nepal Army, Armed Police Force aser Nepal Police senteper Rasuwa nung aliba Trishuli-3A hydropower project indang tunnel ka nungi nisungtem kumzü ktsü merangdar. Lishi aser jana agi tunnel nembanga lir, ibaji ajanga kumzü kba maparen nung tetsükdaksü ajurur.



Nagpur, August 30, 2026: Nepal nungi India nungertem Nagpur railway station tonga aruba mapang tangokba noksa nung angur.

India aser Uzbekistan na tsüingda tezüngzüktep aika agiogo

New Delhi, Luroi/August 30 (Agencies): Amongnü Ato kilonser Narendra Modi aser Uzbekistan Tir, Shavkat Mirziyoyev na Tashkent nung senden amenba sülen tenati uranium supply atema tezüngzüktep agiba metetdaksü.

Ato kilonser Modi-i, "Mapang talangka uranium supply asütsü atema renemtsü. Tanü onoki sobaliba, shisaliok aser shishilembaba ajungkettsütsü atema jembir. Item nükjidong ataloktsü atema asalentong yanglua inyaktsü," ta metetdaksü.

Lenir anatisa yimitem nung terenlok atema amalitepa inyaktsü jembi.

Modi-i, Uzbekistan nunger

'New Tashkent' project aser India nunger GIFT City na tsüingda shisa lemsateptsü akok, ta metetdaksü.

"Ner linük nung 'New Tashkent' ama project tulu aika lir aser India nung onok Gujarat nung GIFT City amenoka lir. Itemji shisadangtsü aser technology angazüktsü atema ner linük nungi teshimtet telok ka arutsü akok," ta Modi-i ashi.

Modi-i tang agi pezübenbuba Uzbekistan semdangba mapang nung Tir Mirziyoyev-i Modi nem linük nung tematiba award "Oliy Darajali Dustlik" agütsü.

Honibarnü Modi Tashkent tonga aoba mapang nung airport nung Tiri agizükba sülen tena gari ka nung Presidential palace tashi oa liasü.



August 30, 2026 nü Uttarakhand Chief Minister Pushkar Singh Dhami den tangartemi 'Mann Ki Baat' radio programme nung adenba noksa nung angur.



TIR YIMYIM YIMOBILEM (EDITORIAL)

DIMAPUR MONDAY, AUGUST (LUROI) 31, 2026

ILP ya temelaba shiti dangbo masü

Küm 152 jakdang 1873 küm British nungertemi India nung yimsüsüba mapang Naga tenem nung aliba lisopurtem kümzüksü asoshi lateta yutsüba Inner Line Permit (ILP) özüng koba dang Bengal Eastern Frontier Regulation, 1873 (BEFR 1873) ta ajar, iba özüng ya tanü putu nungbo Nagaland telungi aitsü asoshi bendangertem nem temelaba agütsüba Permit mesüra Pass ka dangbo masü saka iba özüng ya mapa kuma amshirtemi jungjunga aser nendaka inyakra, iba inyakyim ajanga asen limai arurtem kechi nungdak mesüra kechi mapa inyaki arur itemji asenoki kanga jangjaa metettsü aser iba jagi asen lima nung inyakba mapatem aser mapa inyaker nungdakbatem indang asenoki tajungba angatettsü. Atangji, BEFR 1873 nung ya Naga nungder masüba bendangertem Nagaland telungi aitsü asoshi temelaba agütsütsüba inyakyim dang masü saka ano tongtibang kaji, Naga lima nungi Naga nungder sobaliba dak aketba senti osettsüset bendangeri alitsü aser bener aotsü memelar. Ashiko, ibaji government-ia memeteti asenoki dena bendangertem dang asen tsurabur sobaliba senmang tajung senti osettsüsettem aika yokadoker alitsüa akok. Ibaji metet nungbo tanga okadak ken o benoka jembir asenoki meyipa bener arutettsü. Item ajakji Naga nungder ali rongsen aser sobaliba bendangertem ket nungi kümzüka aser wazüka ayutsü atema nungdaksü ta angateta, 152 jakdang British nungertemi özüng lateta yutsüba asenok asoshi parnoki mapa tajung ka inyaksüogo ta asenoki pelatsüla. Atangji, British nungder 1873 küm bendanger shinga Naga tenemi British yimten temelaba meli matutsü özüng agütsüba Naga nungder tokolak bushiba kin nungi parnok bendangertema kümzüksü asoshi kumdangdaksütsü atema latettsüba özüng ka liasü südi. Aji oda, British nungertemi asenok asoshi tarutsü anogotem bilemteta latettsüba BEFR özüng ya Nagaland state kümer külena, kasa özüng amshia aotsü latetshiba ya tamalen yimten lenirtemi lanu asensortem asoshi mapa tajung ka wazüka toktsüogo ta bilemer. Tanü asenok atema tebilemtsüji Nagaland telungi bendangertem aitsü asoshi temelaba nungdakba ILP özüng nung ya kechisa lateta lir aji asenok aikati memetet aser government nung meteta alirtemia iba özüng ya mapa kuma meinyaker. Iba jagi Nagaland tasüng tzümartem arishi tepiyong lia dokan amener aser mapa inyaker. Ibaji asenoki meteta parnok nem özüng raksadaksüba mapa ka lir, kechiyong ILP yabo anogo tezüngtet ka monger meyipa aotsü atema agütsür. Aji oda, ILP agizüker Nagaland telongi aiba nisung ka pa mesüra la ILP mapang temer Nagaland nungi meyipa maura, aji bushia aputsüla aser merenshir odaksütsüla. Ajisüaka, asenoki iba tashiji ILP agütsür Nagaland telongi idaksüba nisungtemji mita merepranger. Ashiko, asenokibo, tatishtsü agi, Nagaland-i 2025 küm bendanger kwi nem ILP agütsü aser kwika meyipa ao aser kwika mao mongdar ta asüba metetnüba ka asügdang nunga junga meshitettsüa akok. Kasaji, 2025 küm Nagaland senpongi ILP ayokba nungi sen kwi ai (?) ta asüabajia melangzütettsüa akok, kechiyong ILP agütsüba o government keti sen aruba naji memetemtsüa akok. Joko, asenoka tanü putu nungbo mapa ajak züngzünga inyaksüla, kechiyong tanü putu ya balaka tapi tapi pei bilemba agi inyakba putu masü saka mapa ajak kanga züngzünga inyakba 'data driven' putu ka lir. Iba ama putu nung Nagaland nung ILP amshiba özüng yaa kanga züngzünga inyaksüla. Aji oda, ILP agütsür Nagaland-i arudaksüabajia tatem masü, saka pa mesüra laji mapang tonger Nagaland nungi orr mao ta asüabajia metettsü tim. Iba denji Nagaland-i arur ILP abenertemji kechi mapa inyakisa arur ta asüba metettsüabajia kanga tongtibang asütsü, kechiyong iba osang jagi Nagaland nung kechi mapasa inyaker aser item mapatemji lisopurtemi melena inyaktettsü asü meinyaktettsü ta asüba tangatetba agütsütsü aser teinyaksü mapatem sayutsü. Aji oda, tanü ILP bener Nagaland nung amongertemi inyakba mapatemji Naga nungertemia angazüktetba mapatem süra item mapatemji angazükdaksütsü aser inyaktettsüba mapatem süra lenmang sayua inyakdaksütsü. Aji mezügbuba nung government teinyaksü mapa, tanabuba nung lokti tebilemtsü aser tasembuba nung asenok ajaki kanga rongdak nungdaka inyaksüba mapatem lir.

OLEMSABANG

LIM AROGO AJAKI PEI-i AKOKTSÜBA MAPA DANG INYAKTSÜLA

~ L. Kika Pongener

Tanü asen lima nung lim arogotem reprangdanga ora; arogo teimba ka terenlok mapa nung tuluba rangloker inyakba angur. Yimtsüng nung aliba arogotema suang; jila nung aliba arogotema suang; tanü putu den apet lenla ajak nung kanga renloka odagi. Ano iba denji; arogo shia pei pei tashi yari tenyaba mapa 'Mission' wadang tulu-lu mekazüka yur inyaktepba angur. Item mapa ajakji kibongtem tenla aser saru medenibo meinyaktettsü. Tip külen kibongtem tia reprangdangra; noklang nung shilem neter (70 %) shi sensaker / tilar asütsü; tanügba shilem semer (30 %) shi dang takar / tulur asütsü. Tanü putu nung libalirutsü kanga tasak kümogo; osettsüset, chiyungtsü aser aben-suoshi lija-liyungtsü kanga tasak kümogo. Ano iba denji kibong shia chirnur shisaliok bushiba luyim (Education) nung senotsü aikasa endoker. Ano talisa osettsüset nung sen jenjang tupet atur; iba denji asen lima nung sorkar aser lokti-tentet onsara tenteta aliba yagi saru-saji züinra; item sorkar aser lokti-tentet ajak nungji saru-saji dena lir. Ano arogotem nung mission wadang balala, arogo terenlok mapa aser tongtipang sentong balala nungdem nung kibongtem dang temulunger tenla sarur aser mapang kar nungpo khangtepa-a tenla balala sarur. Ano iba denji mungdang saru; küm tsüngda nung Deobar kar dak alaka; teimba ka nung 'Envelope' lema tamang tenla sarur. Yongji, sensaker / tilar kibongtem balaka kangasa tim-atemer. Jokorla, tilar aser sensaker kibong karbo saru-saji aser tenla-tenji onsaraba agi timtem marem ola atokba angazüker.

Atangji, jila nunga suang; yimtsüng nunga suang; pei pei arogo sasep tenla-tenji aser saru-saji aika agi mekabanga lir. Lim arogo kar Tenlaki tasen yanglur; kar Staff Quarter yanglur; kar Guest House yanglur, kar Meeting Hall yanglur, kar Gari tasen alitsüba; kar Mission lushi / wadang tuluba aser tasen awaloka lapoka / tenzüka aor. Iba amala mesukba Project tulu balala mekazüka yur inyakteper. Item Project ajakji arogopur kibongtem dang nungi tenla sarua inyaker. Ano iba denji jila tulu ajak nung yimtsüng shia pei pei Fellowship tenzüka lir; aser Fellowship shia jagi lim arogo-i inyakba amai mission mapa-a karbo inyaker; aser iba nungdem nungji tenla-tenji sarur. Anungji kibong shia itasen anguba; mesura hajira aah-a bener aruba nungi; pei kibong nung achiba aser endokbaji ishiba; saka arogo aser lokti saru-saji tapu-tapu agütsüba-ang teimba adoker. Ajiser, kibong ajakbo küsa masüji; kibong karbo para ki (rented house) nung alir-a lir; parnokji balaka kanga-sa timtema alir. Ano tilartem balaka itasen tilaka agi chirnur School / College fee agütsürbo; ariana tanü poksung alir kibong aika lir. Iba denji pei pei yimer senso saru, tzükong saru, kin saru....iba amala mesukba saru-saji aika lir. Yimdak alirtemi jila nung alirbo tulur-tilar ajunga kecha timtem mali, kaa-ita jangradema dang alir amai bilemer dang ashi; jila nung alir sensaker / tilar kibongtem balaka kanga-sa timtema alir aika lir.

Anungji yimtsüng nung aliba lim arogotem ajak nung; pei arogo telungtet nung; arogo Project kechi inyakdir inyak-aka; pei arogo tashi yari; pei arogo-i akoktsüba 'Project' dang mekazüker inyaksüla, Ajiser, pei arogo-i akoktsüba sentong dang yanglutsüla. Aji oda, lim arogotemi pei arogo tashi dak alia mekazüka yur; bendanglen jila balala nung alir sensosanger kibongtem dak nendaker khangtepa tenla sarua; mesura temulunger tenla saru-aka; ibajagi kibong aika nem timtem / khuret agütsür. Temalen shiyunga aruba amaji; jila nung alirtema pei arogo nung pei sasep saru-saji aser tenla-tenji peria dang lir. Anungji bendanglen alir kibongtem dak kangarabo menendaksüla aser meimlatsüla ta shinur. Ano aji dang masü, bendanglen alir kibongtem dang lim arogo karibo tershilem tenla-a meshir. Tershilem tenla yabo koba arogo nung Tanela chiyungtsü angur idakji agütsütsüla. Lim arogo shinga-ia tershilem tenla nungpo jangjungmara masütsüla.

(Maneni asüng adok nung...)

Iba Olemsabang nung lemsaba ken-o aser shisatsü ya iba ocet züluri bilemba ken-o ama tazünger angateta agütsü mepishir

Missionary Pilot Rideout-i Trump ajurua padang pelaba lemsatep



America nunger missionary pilot Kevin Rideout-i US Tir, Donald Trump ajurudang tangokba noksa nung angur.

August 26, 2026: Tawa Niger nungi chiokba America nunger missionary pilot Kevin Rideout aser pa kinüngtsü, Krista nati White House nung United States Tir, Donald Trump ajurua pa dang pelaba lemsatep.

Yaküm Niger nung nisung kari Rideout apuba sülen ita 10 shi lir taoba ita chioka liasü.

Missionary Rideout ajuruba sülen anogo ka lir Trump-i, "Tasütait Khristan missionary, Kevin Rideout ita ter tashi ISIS kiralongrartemi pua liasü! Joe Biden aser Obama ama masü saka onokibo kodanga America nunger sendoka metoktsür, kechiyong onoki America tama südaksür," ta metetdaksü.

"Tanü ni Kevin, pa kinüngtsü, tebu aser tanurtem dang Oval office sayutsü aser Kevin kümzükertem team ajurudaktsütsü atema White House-i jaoka liasü. Kevin na pelaa agizüker. Na yaritsüji akhümket ka liasü," ta Trump-i metetdaksü.

Rideout aser pa kinüngtsü natia yimjak nung US ketdangsertem aser tesüiba ita

aika alima tesem balala nungi nungita yariba Khristantem dang pelaba lemsatep.

Yaküm October ita nung Niger yimtiba, Niamey nung America nunger missionary Kevin Rideout nisung kari puer ao, ajisüaka tawa pa chiokogo, ta Serving In Mission organization-i metetdaksü.

Organization-i, "Ozü tembar tajung aser Khrista nung adianu, Kevin Rideout ita teku pua ayuba sülen chiokogo," ta metetdakja liasü.

"Kevin temang kanga junga lir aser US ketdangsertemi pa tajungtiba nung anepaludar," ta Serving In Mission-isa metetdaksü.

Tamalen US Tir Donald Trump-ia, "Khristan missionary Kevin Rideout United States-i meyipa aruogo, ta ni nüma-tanga sangdonger. Kevin, the United States of America-i na pelaa agizüker. Yariteptetba atema pelar," ta lemsatepa liasü.

Yaküm October ita nung evangelical missionary agency SIM atema missionary pilot Kevin airport-i aoba mapang

nung mejangjaba nisung aseme pa puer oa liasü. Iba sülen parnoki pa Tillaberi region-i anir ao. Iba region nung Islamic State aser al Qaeda kiralongrartem aika kanga yakyaka lir.

Rideout ya Serving in Mission International (SIM) nung dang masü saka reshikangshi ajangshiba Khristantem yariba Concilium Inc. ministry nunga inyaker.

Sahel mesüra West African region nung Islamic kiralongrartemi kanga timtem agütsüba linüktem rongnung Niger linük densema lir. Iba tesem (Central Sahel) ya sub-Saharan Africa nung jihad mesüra kiralongraba tiyongtsü tesem ka kümogo, kechiyong iba tesem nung dang al-Qaeda aser Islamic State den affiliate süa aliba teloktem lir.

Niger nung Khristan nütsüng ishika dang lir. Nütsüng shilem 1 shi dang Khristantem lir. Anüolen tsütsübo Khristan noklang aika jenshiogo. Khristantem dang Islam yimsü dangi meyipang ta tuyua amokmerener.

Maharashtra state nung anti conversion ozüing benokogo

August 30, 2026: August 28, 2026 nü Maharashtra state nung Maharashtra Freedom of Religion Act, 2026 benokogo; iba ozüing ya tim mesüi amshia Khristantem nem tai tongloksütsüa akok, ta aikati bilemer.

Anti conversion ozüing ya kangshia mesüra mesüzüka yimsü meyipdaktsüba nokdangtsü atema lir. Iba ozüing kübok aibelenertem küm 10 tashi tepuokdak ayutsüa akok.

Anti conversion ozüing benoka aliba state balala nung Hindu nungertemi Khristantem tekülem sentong tagidak mapang timtem agütsüba aser

tiyazü nung tai tonglokja apuba tatalokba aika lir.

Archdiocese of Bombay otongdar, Nigel Barrett-i, Khristantem anema iba ozüing ya tim masüba nung amshitsüa akok, anungji Tenla kidangi arua tekülem sentong nung adenertem nem 'consent form' nung pei sasa sign südaksüba kanga shisa taka mapa ka lir, ta ashi.

Mumbai nung yimsü dak sendakba teloktem, lokti tentettem aser tetsür tentet 20 dak temai anti conversion ozüing anema nokdaka liasü.

Mumbai nung aliba St Xavier's College nung taoba mapang Principal, Frazer

Mascarenhas-i, iba ozüing kübok Khristan shisaliok rejutem aser health services ya sensakertem Khristan yimsü dangi meyipdaktsütsü atema lir, ta aitsütsüa akok, ta ashi.

August 25 nü osangbener den jembidang Mascarenhas-i, "Lokti tenzükba wadang inyakba tsütsü Khristantem yakbang, ajisüaka iba ozüing ya senskertem anema lir ama reprangteter, kechiyong iba ozüing ajanga sensakertem aikati teyari mengutettsü," ta ashi.

Maharashtra densema India kübok state 13 nung anti conversion ozüing benoka lir.

ANOGO ABEN TSÜNGREM DEN

Takok Agütsüba Matt. 6:5-15

Khristan shia nükjidongji Yisu mesüka alitsüba asütsüla. Yisu dak aliba jakla tajung ajakji taidok agütsüba liasü. Yisui temulungjang ajunga agi chichiba taidok agütsüba ama nisung shinga melika.

Asenoki Yisu mesüka linüra Yisu ama tatok agütsüba tashiji ululoka alitsü bushitsüla. Pa alima nung taküm tembanga arudang mepelai bilemba aser tesempa nungi nüji süa liasü. Asenok meimchir tesendaktep nung timtemji asenoki sadoksadoka temulungjang ajak agi taidok magütsütetba aser mulunga maliba ajanga timtem adokdaksür. Khrista dak amanger ka ama tamajunger dang Pai inyakba ama asenokia taidok agütsütsü angazüktsü Tsüngremi yariang.

Khristai taidok agütsüba shidakbaji kechi ta süngmangtsüa kar. Yangi teyari kuli ka agütsür: Taidok agütsüba tashiji nai kar dang mejungi inyaktsü bilema alidang, shibai anema nai tamajung inyaktsü bilema liasü pa/la nem taidok agütsütsü tashi Tsüngremi agütsür. Anungji ibai Tsüngremi agütsüba tashi ta angatettsü. Aiben tatok agütsütsüba shibai agütsür aser shibai agizüker anaprongla atema tasak. Aji saka yirua aliba nüji akümtsü asoshi tatok agütsüba dang leman lir.

Item ya shisadangang: Ni taidok agütsütsü aser amadoktsü tashiji lir ma? Ni bilemtetaka taidok agütsütsü tashi ulushia lir ma? Ni tatok magütsütetba nisung kar lir ma? Shiba ni anema mejungi inyak pa dang taidok agütsütsü kechiba ni ratamatar ?

Kü taküm dang shi ang, Ni ne tekümtet. T.Ken 35:3

Ni Kibuba na kümzükba, aser na alangzükba ta nai metettsü. Isa. 60:16.

Myanmar nung sepaitemi pastor ka aser Chin Khristan ka tepset



Baptist pastor Rev. William

August 30, 2026: Burma Hakha Chinland Defense Force Research Institute (BRI)-i, (CDF) pusemer ta tai tonglokja Myanmar nung sepaitemi Rev. William aser Chin nunger Burma nung sepa yimsüsüba Khristan Nam Ceu na anema rarar.

tepsetogo, ta metetdaksü.

Rev. William ya Chin state nung aliba Chungchung Baptist Church nung küm 25 dak tali pastor inyaka aruogo.

Taküm May ita nung sepaitemi pa aser Ceu na apu, aser iba mapang nungjagi tenzükba pa sepaitem ket nung liasü.

Rev. William aser Ceu nati

Burma nung sepaitemi mapang shia Chungchung mita aoer aser amaker, ta metetdaksü.

2021 küm October ita nung Chungchung Baptist Church Tenla ki raksaja liasü.

Rev. William-i pa kinüngtsü den chirnur pongu toktsür pilaogo.

AO OSHI ANGAZÜKDAK:**TANÜ ANGAZÜKTSÜBA OJANG**

Tir Yimyim

Züset

(v) süngzü agi süngdong alensetba (vine creeping tree to death)

* Alu meinyaksüba agi süngjangdong ajak süngzü agi züset.

Züshi

(v) marok melentepa tzü enoka amshiba

(pour water into cups alternatively to cool it down)

* Süngo mekongdaksütsü atema marok talila bener arua züshi.

OLONG PAITEP # 76035

1		2		3		4	5			
				6						7
		8								
9				10		11				
			12						13	
						14				
16						17				

TIPLIN

1. Nisung jenti
4. Tsük rudenba
6. Temzüng tesashi
8. S___i
9. Nisung rongnung telemsa
10. Anogoshi
12. Ajanga aor
13. Tsük rizüngdak
14. Tebang nungi adokba
16. Süngdong tatembangtiba
17. Meputep

-

(5)

-

(5)

-

(5)

-

(3)

-

(3)

-

(4)

-

(3)

-

(3)

-

(5)

-

(5)

LANGTSÜNGLEN

1. Tenük telong
2. Committee dang ajar
3. Yagi ki okdoker
5. Yim lenmang
7. Temoatsü keter meyipa aruba
11. Kanga junga menemba
12. Kenyongi majinü
13. Rong kanga tulu

-

(9)

-

(5)

-

(7)

-

(5)

-

(7)

-

(5)

-

(5)

OLONG PAITEP # 76034 TELANGZÜBA**TIPLIN :**

1. Semtu, 3. Lepko, 5. Bilem, 8. Ulu,
10. Tsünpang, 11. Tesangwa,
13. Aoksa, 15. Putir, 16. Yipru.

LANGTSÜNGLEN :

1. Sayu, 2. Teb, 4. Kimong,
6. Lungkak, 7. Milak, 9. Zünga,
10. Temopu, 12. Walu, 14. Ali.

NAI-A YA METETTER

Switzerland hunger Jurg Wiesli-i pa atsü nung alima nung mersü talangtiba tsünütetba atema Guinness World Records-i kuli agütsüogo.

August 11, 2026 nü GWR-i iba mersü ya alima nung talangtiba ta kuli agütsü. Jurg Wiesli-i tsünütetba mersü ya Capsicum species nungi lir aser 52.5 cm (20.7 inches) talang lir.

Manipur CM-i Chief Secretary Dr Goel dang pelar

Imphal, August 30, 2026

(Agencies): Chief Minister Yumnam Khemchand Singh-i Manipur nung Chief Secretary menden nungi sodi angutsü aliba Dr Puneet Kumar Goel den ajurutepe mensem ka menogo.

August 29 nikongdang CM official residence nung iba sentong agi aser Dr Goel den pa kinungsü aden.

Dr Goel-i Manipur nung

alirtem ajungsü atema bendanga agüja tenzükba atema Chief Minister Khemchand-i pelaba metetdaksü.

Dr Goel-i Chief Secretary ama inyaka arudang Internally Displaced Persons (IDPs) tanaben lidaksütsü aser state nung yimjung bener arutsü atema kanga meranga inyakogo ta CM Khemchand-i ashi.

Paisa Dr Goel tarutsü

wadangtem atema temoatsü meshitsü aser anema aliba den arishi talang moatsüogo.

Dr Puneet Kumar Goel-i July 21, 2025 nungi Manipur nung Chief Secretary inyaka arur aser pa August 31, 2026 nü mapa nungi sodi angutsü.

Pa kümsük nung administrative efficiency aser public service nung temulung agüja inyaka aruogo.

ULFA(I) tenüung nung shishilembartem dangi shidi zülü

Guwahati, August 30, 2026

(Agencies): Tinsukia district kübok Doomdoo nung shishilembartem ter dangi ULFA-Iajanga tashiyim agi sen meshiba shiditem yokba ajanga iba tesem nung shishilembartemi tebilemtsü abener.

Parnok dangi züluba shiditem nung ULFA-I finance secretary Lt Gen Michael Asom aser assistant finance secretary Major Abhimanyu Asom na tenüung aser

sign keta lir.

Shiditem anguba sülen shishilembartemi police dangi ao aser ken o tem benokogo. Police-i bushisingdang tenzükogo aser shiditem kong nungi aru ta asüba bushitepdar.

Külen, ULFA-I-ibo tashiyim shiditem parnoki magütsü ta ashir aser item shidiji taila ta aitsüogo.

Doomdoo nung shishilembartem mesüra kija

shinga dangia 'extortion letters' meyok ta parnoki ashi.

Mejangtatetba telok kati ozü finance ketdangpurtem tenüung tim mesüi amshioigo aser tena indang signatures ajizüka amshioigo ta ULFA-I-i ashi.

Parnokisa Doomdoo nung shishilembartem dang kümdanga alitsü aser taila notices agütsürtem den jembishinü masütsü metetdaksüogo.

Gauhati University-i educational kits 5,000 lema agütsü

Guwahati, August 30, 2026

(Agencies): Gauhati University-i Sivasagar district nung tzümetsüng agi kongshiba kaketshirtem nem educational kits 5,000 lema agütsüogo.

Parnoki school 15 nung kaketshir 3,500 tema nem kits lema agütsü aser tanünga 1,500 ji District Inspector of Schools office ket nung agütsüogo.

Gauhati University-i social responsibility maparen nung shilem ka ama iba mapa inyakogo. Iba nung Gauhati University Press ajanga teyari agütsü aser Prof Dwipen Bezbaruah o Prof Bikash Gogoi nati anir teshimtet telok kati school balala sema senzü aser kaketshirtem den ajurutepe

sensaksem.

"Alima lendongtem ajanga tanur shisaliok bushiba nung meinprong melidaksütsüla. University-i mapang tamajung ajurudang kaketshirtem aser nübortem yaritsü tebilemtsü khuret lir" ta Gauhati University Vice-Chancellor Prof Nani Gopal Mahanta-i ashi.

Iba ya essential educational materials alemtsü atema dang masü saka tzümetsüng agi kongshia aliba kaketshirtem dang tasü itta shisaliok bushitsü ajungmesotsü atema inyakba lir ta paisa ashi.

Gauhati University-i teti loktiliba nüngdaktem atema inyaka arur aser maneni timtem ajurudang nübortem yaritsü ta

Mahanta-isa ashi.

"University Press staff aser Professor Dwipen Bezbaruah o Professor Bikash Gogoi nungeri iba mapa inyakba atema tenüngsang agütsür" ta Gauhati University Press Director Prof Ankuran Dutta-i ashi.

Gauhati University-isa taoba nung tzümetsüng agi kongshia alirtem yaritsü atema Chief Minister's Relief Fund nem Rs 25 lakh tenla agütsüogo.

Parnokisa Sivasagar aser Charaideo district tem nung kibongtem nem teyari agütsüogo aser tzümetsüng agi raksatsüba Vaishnavite manuscripts tejentem kümsüka ayutsü mapa tenzükogo.

Russia-i Kyiv nung amak, nisung 37 asü

Kyiv, Luroi/August 30 (Agencies): Russia indang drone kati Ukraine linük yimtiba, Kyiv tezülen nisung aliba tesem ka anasa mitkar indang nok-nü yua aliba tesem ka nung amakba sülen nisung 37 süogo aser 400 jungnüa ainshidaktsüogo.

Hokulbar aonung iba tesem nung amakdang shells, mines aser drones tem poka anasa teintet rogo aser matamabensar tem anepaluba tesem ka raksa, ta Ukraine Tir Volodymyr Zelenskyy-i ashi.

Hadir ayuba tesem ya yangji malitsüla liasü aser nisung anasa tapoktsü oset ayuba atema bushisüngdang tenzükogo, ta pai ashi. Tawa Kyiv anasa munitions depot nung amakba ibai tanaben alitsü.

Hokulbar aonung iba lendong nung nisung 42 yiruba rongnung tanur pezü dena lir, ta regional head Tymur Tkachenko-i ashi aser Bucha district nung iba tesem nung rescue operation tenzükogo.

Russia indang Ministry of Defence ajanga sangdong ka nung, par sepaitemi Myla nung nok-nü ayuba tesem ka nung tenük yoker amak, kong "FP-1/FP-2 long-range unmanned aerial vehicles" indang components aser launch boosters yua liasü, ta ashi.

Iba mapang yimtsüng nung ki 130 shi raksa.

Zelenskyy-i yimtsüng nung tapoktsü oset ayutsü telemtetba agiba khenyongi magizükteter ta ashi.

Ukraine indang prosecutor general-ia Myla nung nisung aliba ki anasa tapoktsü oset ayuba asadangtar ta shia liasü.

Nisung aliba ki anasa ammunition mayutsü ozüng lir, anungji kanga junga bushisüngdanga aibelener tem merenshitsü, ta Zelenskyy-i ashi.

Ukraine Ato Kilonser Sergiy Koretsky-ia Vyshneve nung apokba sülen lesson mangazük, ta sasaba

lemsatepa liasü.

"Russia-i tashi ajak amshia amak tenzüker küm pongu buba nung aibelen kasa atalokjen atalokba ya senzüka yutsüba mapa tamajung lir," ta Koretsky-i Telegram nung ashi.

"Iba ama tensa tanaben mataloktsü asoshi aibelener nem temerenshi tulu agütsütsü."

Ano Boryspil district nunga arishi küm 14 tain tebur ka tepset ta Tkachenko-i ashi aser Kyiv Mayor Vitaliy Klitschko-ia Obolonsky nung Russia indang drone ka tsükokba nung arushi küm ana tanur ka asü ta ashi.

Honibarnep Kyiv nung amakba nung arishi küm 18 tetsür ka densema nisung pongu yiru, ta pai ashi.

Odesa, Dnipropetrovsk, Sumy aser Zaporizhzhia tesemtem nung Hokulbar aonung Ukraine army temi Russian drones 233 khazüka yok, ta Zelenskyy-i ashi.

Khamenei-i Gulf yimsüsürtem dang tsükchir anema lungjemtsü ajungshir

Tehran, Luroi/August 30 (Agencies): Iran indang Supreme Leader Mojtaba Khamenei-i Muslim linüktem, talisa Gulf nung alibatem dang chichiba tsükchir anema lungjemtsü ayongzüker aser Muslim nungertem tsüngta telemsa aliba ajanga tsükchir tebilemba atalokdaktsür ta ashi.

Iba osang ya Khamenei indang Telegram account nung Islamic Unity Week atema sangdonga liasü, koba Prophet Muhammad asoba anogo bilemtetba mapang lir.

Pai yangji Muslim nunger lungjemtsü, wadang balala nung amalitep akatsü, arok defence asoshi inyaktsü ayongzüker aser Muslim nungertem tsüngta telemsa adokdaktsür temi meteta aser memeteti Islam tsükchirtem yarir ta ashi.

Muslim nungertem lungjema ali asübo Palestine nunger teimla makai lila asü, ta pai asüngdang.

Khamenei ya ita trok tejakdang US aser Israel nati Iran nung rara tenzüka amakdang tebu aser taoba supreme leader Ayatollah Ali Khamenei tepsetba mapang yirur tang tashi yimjak nung mangur.

Pai telungjem atema sangdong agütsüba den sako Hokulbarnü Iran nunger den jembidanga shia liasü, kong pai nüburtem lungjemba, tamang katepba aser tesendaktep nung timtem agütsütsüsa inyaksangshi tem nokdangar ta ashi aser ketdangsürtem dang linük aser nüburtem tangatetba tashi mait kumdaktsütsüsa jembishinü masütsü ayongzüka liasü.

Khamenei-i talisa Gulf Arab yimsüsür tem dang, Gulf nung aliba nüburtem aser sorkar tem

ya Islam wako kübok lungjemer ali asübo maitsü maliba ochimashi, pei sünütsü asüba nisungtemi asen lir aser rongsen benbula süng, ta asüngdanga liasü.

1979 Islamic Revolution mapang nungi Gulf Arab yimsüsür temi Iran indang revolutionary ideology, nisung kati yimsü asüba anema nokdakba aser region nung tashi tuluba akumtsü merangba ya parnok yimtenren asoshi

tebilemstü ama bilema arur.

Tang rara mapang Tehran-i Gulf linüktem nung US mitkar aliba tesemtem aser tanga ki o jen nung amak, anungji Tehran aser Gulf kidanger tsüngta tensa majung aliba tali temai adok.

"Islamic linüktem, talisa West Asia aser Gulf nung yimsüsürtem dang ni ya nenshia ashir, ner tsükchir chichiba jangjatetang, pa sentong angatetdang aser kasa tokteparang," ta Khamenei-i ashi.

Nepal tzümetsüng lendong nung asür 750 jungogo, samar alirtem maneni bushir

Chitwan, Luroi/August 30 (Agencies): Himalaya tenem nung glacier ka chirepa tenemtsüng nung aliba tesem aika lishi, tzü aser sünglong agi mobangba sülen Nepal aser China na nung nisung meyirejang aika samar lir, aser item ya bushitettsü atema aritepa inyakdar, kechiyong tsüngsang kanga majung aser ayongtem nung tzü taliba küma odar.

Ketdangsürtemi ashiba agi, Deobar anepdang tashi nung iba lendong nung asür 750 jungogo aser Nepal aser China naprongla senteper nisung 3000 dak tema samar bushidar. Bodhbarnü rürjeb, leshi aser sünglongtem tenemlen nungi nongzüka alua tenemtsüng nung aliba tesemtem oker aoa liasü. Iba lendong yagi nisung 90,000 tema dak kongshir alitsü ta Red Cross-i asatetogo. China-i ashiba agi, tzümpung melenshiba ajanga iba lendong ya atalokogo.

Chinese Foreign Minister Wang Yi-i Honibarnü Nepal Foreign Minister den phone ajanga jembiba mapang, iba lendong ya kümtem tsüngda

arrtsü adena atalokba lendong tulutiba lir, aser tsüngsang mopung majungba den tanga tetsükdaktsü balala aliba ajanga teküzmükba maparen benoka inyaktsü asoshi kanga tasak kümogo, ta ashiba state broadcaster CCTV-i metetdaktsü.

Nepal indang disaster authority-i ashiba agi, nisung 734 süogo, nisung 2,498 samar bushidar aser tang tashi nung nisung 7,514 kümzüko. China tsütsülen Gyirong County nung nisung 16 asü aser nisung 546 samar bushidar.

Beijing-i ashiba agi, linük 23 nungi bendanger 261 Tibet kübok Nepal den arrtsü nung koleni aoar mejangjai lir.

Lendong kanga tulu atalokba ajanga teküzmükba maparen benoka inyaktsü asoshi kanga tebenja kümogo. Nepal nung local police temi Reuters dang ashiba agi, tzünglu kanga sashia aruba ajanga Trishuli ayong nung tzü tali akümba sülen iba tesem nung alirtem aser teküzmükertem tenemleni jena tuogo, aser tzümetsüng alushitsü akok ta tsübu bilemer. Hokolbarnü nungi tenzüka

MENUNGRA BILEMTETER



Lt. ATSUNG LONGCHAR (Molungkimong)
(18-01-1980 to 31-08-2025)

Na tanü onok den meliaka, onoki na teti menungra bilemteter. Ne temiem aser mapa tajung teti onok mulung nung alitsü. Nai teti meima aliba:
~ Temeim Kinungtsü, Jabasotem aser Kinungertem.

ANGLING COMPETITION
CAST YOUR LINE. CHASE THE THRILL.

26TH SEPTEMBER 2026

REGISTRATION FEE ₹3,000

METSUBEN RESORT, CHUCHUYIMPANG VILLAGE

9:00 A.M. to 3:00 P.M.

PRIZES

FIRST PRIZE ₹100,000

SECOND PRIZE ₹50,000

THIRD PRIZE ₹20,000

CONSOLATION PRIZE FOR 5 PERSON ₹5,000

CONSOLATION PRIZE FOR 5 PERSON ₹4,000

LUCKY DRAW ₹5,000

FREE LUNCH WILL BE PROVIDED TO ALL THE PARTICIPANTS

CONTACT FOR QUERIES & TICKETS 9774256171, 9436006169

RULES & REGULATIONS

One man one rod

Only pole rods allowed

No fly line

No food cage

One hook to two hook setups only

Price winner will be determined by the single biggest catch

Only non winners will be eligible for the lucky draw

Ticket must be presented when fish is weighted

In the event of a tie, the first catch will be the winner

No littering, no excessive noise, respect other competitors

The decision of the weight master is final and binding

There maybe changes with the date and time if situation demands

One ticket one prize

teküzmükba maparen ya aiben thia arudar, kechiyong tsüngsang kanga majung aser Nepal-China arrtsü nung iba lendong ajanga ano awatsüng ka kümteter aliba ya pokdanga Nepal nung Lhende Khola aser Trishuli ayong nung yimoker tzümetsüng alushitsü akok ta tsübu bilemer.

CCTV sangdong ka ajanga ashiba agi, awatsüng koba ajanga ayonglanglen alirtem amokmerena liasü, iba awatsüng ya Honibarnü tashi nung lapokogo. Ajisüaka drone temi Honibarnü menor anentsüh ka aluba ajanga iba awatsüng kübok ano tzünokdang tasen ka kümtetba ngutetogo.

Nepal nung teküzmükba maparen ya tzümetsüng agi raksatsüba hydropower plant tem nung tunnel telung nung sabanga alirtem kümzüksüba dak rangloker inyaktepar.

Nepal foreign ministry otongdar Lok Bahadur Chhetri-i ashiba agi, tunnel nung sabanga alirtem kümzüksü, DNA tendangtsü, tasü mangtem refrigerated storage aser tasü mang shir alibatem forensic identification

atema mongintem teyari nüngdaker.

India aser China nungi mongintemi tunnel tem lapoktsü atema aser tanga teküzmükba maparen balala nung teyari agütsüdar, ta Chhetri-i ashi.

Anogo ishika lendong nung samar aliba kinungertem mozüki, morgue aser relief centre tem nung pei kinungertem bushia senzütepba sülen Nepal nung ketdangsürtemi mejangjaba tasü mangtem arem tenzükogo, kechiyong item tasü mangtem shizüka odar.

Chitwan district, koba lendong agi indang indangabo mekongshi-i liasü, iba tesem nung Rasuwa tesem nungi Narayani ayong ajanga tasü mangtem aponger aluba ngutetdar.

K e t d a n g s ü r t e m i tasü mangtem noksa tangoka ayuba den DNA samples tem bendendar aser parnok indang osang tejangja bendena ayutsü merangdar. Parnok ya aremba sülena parnok kinungertemi bushiteta arutsü timla nung iba jenjang agidar.

(Maneni tapak 8 nung...)

Sechü Zubza FC-i Atuo Mezhür Super League kokogo



Kohima, Luroi/August 30 (TYO): Sechü Zubza FC-i 1buba Atuo Mezhür Sekhose Super League (AMSSL) 2026 kokogo. IG Stadium, Kohima nung final asaya extra time tashi asayaba sülen parnoki Mez & Co goal 3-1 agi koka liasü.

Asaya nung mezügbuba goal ya Mez & Co atema Neisede-i minute 19buba nung idaktsü, saka Sechü Zubza-i minute 35buba nung goal ka idakja goal kasasa aküm.

Atakzükja aliba mapang nung goal kaka ya dang

agütsütetba sülen mapang apuloktsür asayaba mapang Kevisanyü-i minute 93buba nung Sechü Zubza atema tanabuba goal idaktsü aser iba sülen minute 116buba nung captain Kekhrieletuo-i tasembuba goal idakja parnoki asaya akok.

Asaya nung Mez & Co nungi asayar Radovei yellow card ana achiba sülen tugudaktsü aser parnok asayar 10-i dang asaya tembanga liasü.

League asaya-a Sechü Zubza-i kokogo aser Mez & Co

tanabuba jenjang nung tembanga liasü.

Asayamung nung jurila sempet agizükertem:

Golden Boot - Kevisanyü Peseyie (Sechü Zubza FC)

Golden Ball - Vinato Achumi (Mez & Co)

Golden Gloves - Ruokuovolie Phewhuo (Tsütuonuomia Youth Organisation)

Best Emerging Player - Aneizo Suokhrie (Sechü Zubza FC)

Fair Play Award - Vanguard Football Academy.

3buba Nagaland Junior Athletics Championships ayonger

Dimapur, Luroi/August 30 (TYO): Nagaland Athletics-i sangdong ka ajanga 3buba Nagaland Junior Athletics Championships 2026 September 9 nü Government Higher Secondary School Ground, Dimapur nung asayatsü ta metetdaksüogo.

Iba asayamung nung Under-14, Under-16, aser Under-18 age category nung tebur aser tetsürtem tetoktepba balala ayongzuka asayatsü.

Iba asayamung ajanga Nagaland kübok tesem balala nungi lanur asayartem nem asaya balala nung tokteptsü aser parnok sempet sayaba den tajangshiba tajung angutsü atema sabang tajung ka agütsütsü.

Asayamung nung shilem agitsü atema züngoksemtsü asoshi tatembangbuba anogoji September 7 nü asütsü. Asayamung nung shilem agitsü janrartem dang atakzükja aliba anogo masü tsüingda züngoksemtsü atema mepeshia metetdaksüogo.

Osang tejangjaba agitsü atema Moalong Jamir: 8787852190 aser Tokuho Sumi: 9612857713 den agüja aliba number ajanga tongteprateptetsü, mesüra Website: <https://nagalandathletics.org/> X: @NagalandAthletics ajanga osang agitetsü, ta Nagaland Athletics Honorary Secretary Mhonsao Ngullie-i sangdong ka ajanga metetdaksüogo.



13buba North East Zone Shottling Championship 2026, Guwahati nung Deobarnü tembangogo. Iba asayamung nung Yimyakumla Walling-i medal 4 nguogo. Lai 50m Rifle prone Junior Women asaya nung gold, 50m Rifle prone Women nung gold, 50m Rifle prone Women nung silver aser 10m Air Rifle Women (ISSF) nung bronze medal ngua liasü.

Bengal CM-i Messi sentong atema ticket aliba meyiptsütsü nangzük

Luroi/August 30, 2026 (Agencies): West Bengal Chief Minister Suvendu Adhikari-i, Argentina nung nüngtugu football asayar Messi reprangtsü atema fan temi ticket sen 4000 aser 6000 agi ali, saka ground nung timtem kar aliba ajanga merprangtet, anungji parnok indang ticket taah meyipa agütsütsü atema inyaktepdar, ta ashi.

Messi-i December 13 nü Yuva Bharati Stadium semdang, saka iba sentong ya mepetmesü nung tembanga liasü. Sentong nung mepetmesü adokba ya Trinamool Congress kübok Sports Minister Aroop Biswas-i tali jushiba ajanga liasü ta tai tongloktsüogo.

Fan tem shirnoki ticket atema sen 4000 aser 6000 agüja

liasü, parnoki ticket sen meyiptsütsü takhangba agütsüogo, saka parnok takhangba tang tashi mataloktsüi lir.

"Messi indang fan tem aika lir. Parnoki sen 4000 aser 6000 entoka ticket ali. Ni fan 33,000-i iba sentong atema sen entokba ya meyiptsüner," ta Adhikari-i National Sports Day nung o jembiba mapang ashi.

"Ni telung nungbo inyakyim tenzükatokogo, aser maparen takok ngua tembanga inyaktsü imlar," ta Adhikari-i shisem.

August 29 nü iba sentong nung taoba mapang hockey asayar Gurbux Singh, Sports Minister Indranil Khan, AIFF tir Kalyan Chaubey aser tanga ketdangsürtemi shilem agia liasü.

Iba sentong nungsa takok

tajung ngua asayaba asayartem nem tetushi agütsü aser parnok nem appointment letters dena agüja liasü.

"Tanü appointment letter anguba asayartem aika indang paperwork tem küm 11 tashi Chief Minister indang office nung awi agi pongbanger yua liasü," ta Adhikari-i ashi.

Kolkata kübok Salt Lake Stadium nung 2025 küm Demceber 13 nü Messi indang G.O.A.T. India Tour sentong ya mepetmesü nung tembanga liasü. Ketdangsürtem aser celebrity temi Messi longbanger pa tongdanga ayuba ajanga fan tem shirnoki ticket atema sen 10,000 tashi agüja liasü, parnok mit adok aser pa minute 20 shi dang lir ground toktsür aotsüsa aküm.

Villa keeper Martinez Chelsea nung denogo

Luroi/August 30, 2026 (Agencies): Chelsea-i Argentina nung goalkeeper Emiliano Martinez Aston Villa nungi pound million 7.5 agi alizükogo, koba taoba küm pezü tsüingda club ana tsüingda asayar tibuba alizüktepba asütsü.

Arishi küm 33 tain asayar shibai 2022 küm World Cup kokogo, pai Chelsea den küm asem atema tenangzüktepba yangluogo.

Taoba mapang Arsenal goalkeeper Martinez ya 2020 küm Villa nung aden aser asaya 256 nung asayaogo aser iba mapang taoba season club-i Europa League akokba nung pai teryari agüja liasü.

"Ni iba football club nung adenba atema pelar," ta Martinez-i ashi.

"Chelsea-i arutsü atema

telemtetba agiba ya ni aser ozü kibong asoshi kanga temela liasü aser ni asayatsü matateter.

"Ni idaki takok ngua asayaner. Ni ya ni inyakba ajak koknuba nisung ka lir aser ni iba ya iba football club yagi bener aruner, kechiyong iba club ya title balala abenba club ka lir aser ni asoshi kanga tapet ta bilemer," ta paisa shisem.

Nicolas Jackson taoba hopta Villa nung adenba sülen Martinez tang Chelsea nung denogo.

Taoba küm pezü tsüingda Chelsea aser Villa na asayar alizüktepba mesüra melentepba ama Premier League nung club ana yongtsü nung inyaktepa mali.

Chelsea kibur, BlueCo-i 2022 küm club inyaksangshi achaayang tenzüka den Villa nungi Carney Chukwuemeka

pound million 20 agi alizükba sülen club ana tsüingda tesendaktep ya tenzüka liasü. Iba sülen Ian Maatsen (£37.5m, Villa dangi), Omari Kellyman (£19m, Chelsea dangi) aser Axel Disasi (£5m loan deal, Villa dangi) nung tsüatepa liasü.

Taküm kija club ana tsüingda tenangzüktepba pezübo yangluogo. Morgan Rogers Chelsea-i pound million 117 agi alizük, Alejandro Garnacho loan nung oa Villa nung denogo.

Iba sülen Martinez malizük tsüingda Villa puri Jackson pound million 65 agi alizük.

2022 küm nungi tang tashi nung Chelsea-i Aston Villa nem asayartem atema pound million 163.5 agütsüogo aser Villa-ia Chelsea nungi pound million 102.5 entoka asayartem alizükogo.

BENDANGLI OSANG : Tapak 7 nungi...

Nepal tzümetsüng lendong nung asür 750...

"Onoki nguteta aliba tasüangtem ya tesadang dak tema merprangteteter," ta police ketdangsür Anil Thapa-i Reuters dang ashi.

Honibarnü mejangjaba tasüang 100 dak tema aremba sülen ketdangsürtemi ano tasüang noklang aika aremtsü atema leper tuogo.

Nepal tsütsülen nungi lishi nongzüka aluba ya Gyirong border crossing atongtsü atema minute trok nungi tenet

tsüingda agia liasü, ta China nung scientist temi ngutetogo, ta CCTV-isa metetdaksü. Alima ajunga nung prokshiba video tem nung tzü den külemi sünglong aser lishi nongzüka alua kitem mobangba mapang nüburtem jenshia aotsü merangba nguogo.

China-i teküzmükertem 2,100 dak tema anidenogo aser teryari balala agütsütsü atema yuan million 220 agütsüogo.

BILEMDANGANG

"Temetongshitsüba magizüktetra terenlok malitsü."